

ხელშეკრულება მომსახურების შესყიდვის შესახებ #60-7-222-15

ქ. თბილისი

12.01.2022წ

I. მხარეები

წინამდებარე ხელშეკრულება დადებულია 2022 წლის 12 იანვარს, ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი დირექტორის შესყიდვებისა და ლოგისტიკის საკითხებში (დირექტორთა საბჭოს წევრი) დავით ვარდიაშვილის სახით (მინდობილობა N210506896) (შემდგომში – „შემსყიდველი“) და მეორეს მხრივ შპს „პროგრეს სერვისი“-ს (შემდგომში – „მიმწოდებელი“) შორის, წარმოდგენილი დირექტორის ეკატერინე ოსიშვილის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ გაუწიოს საოფისე ფართის დასუფთავების მომსახურება დანართი #1-ის (ფასების ცხრილი) და დანართი #2-ის (ტექ.დავალება) შესაბამისად. CPV კოდი შესყიდვის ობიექტების მიხედვით: 90911000).

2.2 დანართი #1 (ფასების ცხრილი) და დანართი #2-ის (ტექ.დავალება) წარმოადგენს წინამდებარე ხელშეკრულების განუყოფელ ნაწილს.

III. მომსახურების ღირებულება და ანგარიშსწორების პირობები

3.1. მომსახურების საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი და ტექნიკური პირობა) შესაბამისად და შეადგენს 11328 (თერთმეტი ათას სამას ოცდარვა) ლარს დღგ-ს ჩათვლით (შემდგომში – „ხელშეკრულების ღირებულება“).

3.2 ანგარიშსწორება განხორციელდება ყოველთვიურად, ფაქტიურად გაწეულ მომსახურებაზე მიღება-ჩაბარების აქტის გაფორმებიდან და სათანადო დოკუმენტაციის წარმოდგენიდან 8 (რვა) სამუშაო დღის განმავლობაში..

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ მოვალეა გაუწიოს „შემსყიდველს“ მომსახურება წინამდებარე ხელშეკრულების პირობების შესაბამისად.

4.2 „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მომსახურების ღირებულება;

4.2.2 „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

4.3 „მიმწოდებელი“ ვალდებულია ხელშეკრულებით გათვალისწინებული მომსახურება განახორციელოს ხარისხიანად და არსებული სტანდარტების შესაბამისად.

4.4 „მიმწოდებელი“ ვალდებულია ხელშეკრულებით გათვალისწინებული მომსახურება განახორციელოს წინამდებარე ხელშეკრულების დანართი #1-ის (ფასების ცხრილი - #1)-ის და დანართი #2-ის (ტექ.დავალება) შესაბამისად.

4.5 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.6 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

V. მომსახურების გაწევის ვადა და ადგილი

5.1 წინამდებარე ხელშეკრულებით განსაზღვრული მომსახურების გაწევის ვადაა - ხელშეკრულების გაფორმებიდან 12 თვის განმავლობაში. მომსახურების გაწევის კონკრეტული პერიოდულობა და ვადები გაწერილია ტექ.დავალებაში (დანართი #2).

5.2 დასუფთავების მომსახურება უნდა განხორციელდეს მისამართზე: ქ.თბილისი, ბამბის რიგი #7, ფართი: 498,91კვ.მ)

VI. მხარეთა პასუხისმგებლობა

6.1 „მიმწოდებლის“ მიზეზით მომსახურების დაგვიანებით, არასრულად, ხარვეზით ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო გასაწევი მომსახურების ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი მომსახურების სრულად გაწევის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 4% -ის ოდენობით.

6.3 „შემსყიდველის“ მიერ ხელშეკრულებით გათვალისწინებული მომსახურების ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია ფაქტიურად გაწეული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ სამეურნეო მართვის განყოფილების უფროსი გიორგი დიხაძინჯია.

7.3 კონტროლი განხორციელდება მომსახურების ხარისხისა და მიწოდების ვადების შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოიწვევოს იქნას ომით ან სტიქიური მოვლენებით,

ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება; რაც წარმოადგენს “შემსყიდველის” მხრიდან ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული საქონლის ღირებულება.

XI. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ

რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

X II. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

X III. შესყიდვის ობიექტის მიღება-ჩაბარების წესი

13.1 მომსახურების მოწოდებისას “შემსყიდველის” მიერ წინამდებარე ხელშეკრულების 7.4 ქვეპუნქტით განსაზღვრული პირი ამოწმებს მოწოდებული მომსახურების შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში მიღება-ჩაბარების აქტი ფორმდება ყოველთვიურად, ფაქტიურად გაწეული მომსახურების შესაბამისად.

13.2 მიღება-ჩაბარების აქტზე ხელმოწერა პირად განისაზღვრა შესაბამისი დირექტორთა საბჭოს წევრი ან/და შესაბამისი დეპარტამენტის უფროსი.

13.3 მომსახურება მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

X IV. ხელშეკრულების მოქმედების ვადები

14.1. ხელშეკრულება ძალაში შედის მხარეთა მიერ ხელმოწერისთანავე.

14.2 ხელშეკრულების მოქმედების ვადა ამოწურულად ჩაითვლება მხარეებს შორის ხელშეკრულებით გათვალისწინებული პირობების შესრულებისთანავე, მაგრამ არაუგვიანეს 2023 წლის 31 მარტის ჩათვლით.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის ჟ) ქვეპუნქტის შესაბამისად.

XVI. კონფიდენციალურობა და გაუმჟღავნებლობა

16.4 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

XVII. მხარეთა რეკვიზიტები

„შემსყიდველი“:

„მიმწოდებელი“:

სს „საქართველოს სახელმწიფო
ელექტროსისტემა“
ქ. თბილისი, ბარათაშვილის ქ. 2
საიდ. კოდი: 204995176
სს „თი ბი სი ბანკი“
ბანკის კოდი: TBCBGE 22
ა/ა # GE02TB0600000102467636

შპს „პროგრეს სერვისი“
ტელ: 574 770 570, 2142670
ქ.თბილისი, დავით თავხელიძის ქ. #1
ს/კ 405025020
სს „თი ბი სი ბანკი“
ბანკის კოდი: TBCBGE 22
ა/ა # GE96TB7654036080100004

დავით ვარდიაშვილი
დირექტორის შესყიდვებისა და ლოგისტიკის
საკითხებში (დირექტორთა საბჭოს წევრი)

ეკატერინე ოსიშვილი
დირექტორი

ხელშეკრულების დანართი №1
ფასების ცხრილი

N	საქონლის დასახელება და ტექ.მახასიათებლები	განზომილება ერთეული (თვე)	ერთეულის ღირებულება (ლარი) დღგ-ს ჩათვლით	ჯამური ღირებულება (ლარი) დღგ-ს ჩათვლით
1.	2	3	4	5
1	საოფისე ფართის დასუფთავების მომსახურება (ოფისის საერთო ფართი - 498,91კვ.მ)	12 თვე	944	11328
	საერთო ღირებულება დღგ-ს ჩათვლით			11328

ხელშეკრულების საერთო ღირებულებაა 11328 (თერთმეტიათასსამასოცდარვა) ლარი დღგ-ს ჩათვლით

„შემსყიდველი“:

სს „საქართველოს სახელმწიფო
ელექტროსისტემა“

დავით ვარდიაშვილი
დირექტორის შესყიდვებისა და ლოგისტიკის
საკითხებში (დირექტორთა საბჭოს წევრი)

„მიმწოდებელი“:

შპს „პროგრეს სერვისი“

ეკატერინე ოსიშვილი
დირექტორი

ხელშეკრულების დანართი #2

(ტექ. დავალება)

საოფისე ფართის დასუფთავების მომსახურების ტექნიკური დავალება - ოფისის საერთო ფართი: 498,91 კვ.მ.

დასუფთავების მომსახურება უნდა მოიცავდეს:

1. ჭერის და კედლების დასუფთავება: ჭერი და კედლები ადგილზე უნდა გაიწმინდოს კვირაში ერთხელ მშრალად, კედლის საფარზე არ უნდა იყოს ხილული ლაქები, ჩამჯდარი ჭუჭყი და ობობის ქსელები, ხოლო სველ წერტილებში დღეში ერთხელ სველი ტილოთი შესაბამისი ხსნარის გამოყენებით.
2. საოფისე ავეჯის წმენდა: ავეჯზე მტვერი უნდა გაიწმინდოს ყოველ დღე, არ უნდა იყოს ჩამჯდარი ჭუჭყი, ნათითურები, ლაქები და ა.შ. სკამებზე და სავარძელზე არ უნდა იყოს მტვერი, დაღვრილი ნივთიერებები, ლაქები.
3. კომპიუტერებისა და ორგ. ტექნიკის წმენდა: ზედაპირი უნდა გაიწმინდოს ყოველდღიურად. მათზე არ უნდა იყოს მტვერი და ჩამჯდარი ჭუჭყი.
4. რბილი ავეჯის დასუფთავება: ავეჯი ყოველდღიურად უნდა დასუფთავდეს მტვერსასრუტით, მათზე არ უნდა იყოს ჩამჯდარი ჭუჭყი, ლაქები.
5. სხვადასხვა მყარი იატაკების და მათი კუთხეების (გრანიტი, მეტლახი, პარკეტი, ლამინატი და ა.შ.) დასუფთავება: იატაკები უნდა დაიგავოს ყოველდღიურად და მოიწმინდოს სპეციალურ ხსნარში დასველებული ტილოთი. იატაკზე არ უნდა იყოს ღრმად ჩამჯდარი ჭუჭყი და ლაქები. მყარი იატაკი (მეტლახი, გრანიტი) უნდა მოიწმინდოს სპეციალური ხსნარით.
6. კარ-ფანჯრებისა და მინისებური ზედაპირის წმენდა: შიდა კარ-ფანჯრებზე და მინებზე მტვერი უნდა გაიწმინდოს ყოველდღიურად, ხოლო შენობის გარე კარ-ფანჯრებზე უნდა გაიწმინდოს სამ თვეში ერთხელ. ფანჯრის თაროები(რაფა) უნდა იყოს ყოველთვის სუფთა.
7. დერეფნის და სხვა ზოგადი ტერიტორიის დასუფთავება: დერეფანი და კიბის უჯრედი უნდა დაიგავოს ყოველდღიურად. კედლები უნდა იყოს მუდმივად სუფთა, მათზე არ უნდა იყოს რაიმე ჩამჯდარი ჭუჭყი და ლაქები.
8. ნაგვის ურნის დაცლა, მათში პოლიეთილენის პარკის მოთავსება და ნაგვის გატანა: ურნები უნდა დაიცალოს ყოველდღიურად და ჩაეფინოს პოლიეთილენის ახალი პარკები. ურნაზე არ უნდა იყოს რაიმე ლაქა და ჭუჭყი.
9. დასუფთავების პროცესში მოგროვილი ნაგავი მიმწოდებელმა უნდა გაიტანოს შენობიდან და ჩაყაროს შენობასთან არსებულ სანაგვე კონტეინერებში.

ელექტრონული ტენდერი (SPA210003567) სს „სსე“-სათვის საოფისე ფართის დასუფთავების მომსახურების შესყიდვაზე. „მიმწოდებელი შპს“ პროგრეს სერვისი“

10. მომსახურება ყოველდღიურად (გარდა არასამუშაო დღეებისა) უნდა განხორციელდეს სამუშაო დროის დაწყებამდე, დილის 09 საათამდე, ხოლო მოცემული ფართი (საოფისე ფართი) უზრუნველყოფილი უნდა იყოს 1 მორიგე დიასახლისით დილის 9:30 სთ-დან საღამოს 18:30 საათამდე.
11. დღის განმავლობაში წარმოქმნილი დაბინძურების ოპერატიული აღმოფხვრას და სისუფთავის შენარჩუნებას მოცემული ფართის მთელ ტერიტორიაზე.
12. სამუშაო დღეებში სველი წერტილების ყოველდღიურ დასუფთავებას და საჭირო საშუალებებით (თხევადი საპონი, ტუალეტის ქაღალდი, უნიტაზზე დასაფენი ქაღალდი და ა.შ) უზრუნველყოფას შესაბამისი რაოდენობით;
13. მიმწოდებელი ვალდებულია მომსახურების გაწევისას გაუფრთხილდეს შემსყიდველის ქონებას.
14. აღნიშნული ფართის მთელ ტერიტორიაზე გენერალური დასუფთავება: საოფისე ავეჯის, კომპიუტერებისა და ორგ.ტექნიკის კაპიტალური წმენდა, ქრომისა და უჟანგავი ლითონის ზედაპირის წმენდა-პოლირება, სანათებისა და სხვა მანათობელი საშუალებების კაპიტალური წმენდა და სველი წერტილების კაპიტალური დასუფთავება უნდა განხორციელდეს სამ თვეში ერთხელ შემსყიდველთან შეთანხმებით.
15. მომსახურება გაწეული უნდა იყოს სანიტარული და ჰიგიენური ნორმების დაცვით.

„შემსყიდველი“:

სს „საქართველოს სახელმწიფო
ელექტროსისტემა“

დავით ვარდიაშვილი
დირექტორის შესყიდვებისა და ლოგისტიკის
საკითხებში (დირექტორთა საბჭოს წევრი)

„მიმწოდებელი“:

შპს „პროგრეს სერვისი“

ეკატერინე ოსიშვილი
დირექტორი